

Visoki predstavnik Inzko: Parlament treba da radi u punom kapacitetu



Visoki predstavnik Valentin Inzko sastao se danas u Sarajevu sa rukovodstvom Zastupničkog doma i Doma naroda Parlamenta Federacije BiH.

“Već nekoliko mjeseci rad oba doma Parlamenta Federacije BiH je onemogućen zbog nepostojanja konsenzusa u pogledu određenih zakonodavnih pitanja i ja sam danas pozvao rukovodstvo Parlamenta da pojačaju napore i riješe sporove koji postoje o određenim pitanjima, te da se pobrinu da eventualna buduća neslaganja ne blokiraju Parlament u rješavanju brojnih ozbiljnih i već dugo neriješenih zakonodavnih izazova”, rekao je visoki predstavnik. “Moja poruka je kratka: Parlament treba da počne funkcionirati u svom punom kapacitetu. Pozivam političke lidere u FBiH da deblokiraju rad ove institucije”.

On je dodao da će situacija u FBiH biti jedna od tema o kojima će se razgovarati na predstojećem sastanku Upravnog odbora Vijeća za provedbu mira naredne sedmice.